

歸化城廳志

卷十八

九

歸化城廳志卷之七

人物

帝王 追尊帝王 鄉賢耆舊 忠烈
孝友 義行 科第 仕宦 僑寓



從來方志必列人物首舉誠以嶽降崧生地靈人傑仍人傑
則地自靈也顧科第仕宦俗號艷稱究之功不足以濟世名
不足以副實流俗所榮猶豪傑所恥惟立德立功立言乃為
不朽之三歸化自勝朝中葉不隸版圖我

朝雖設官分治而此地舊為商賈雲屯鄉之人扭於積習不知
讀書為何事矧知所謂三不朽故名臣名儒自明以來殊寥
寥不可多得然歷考前代品重圭璋名垂竹帛者代不乏人
爰節取史傳廣搜方秉帝王而後次以鄉賢耆舊忠烈孝友

歸化城廳志卷之七 人物 一

義行不另列貢舉一門未載科第仕宦俾人知科第仕宦為
士之進階追而上之古之純德懿行駿業鴻猷無不可儀型
而法則焉誰謂人才果擇地而生也其他倚寓敬非碌碌亦
附記於後以示不掩人善云志人物

帝王

後晉

高祖聖文章武明德孝皇帝姓石氏名敬瑭其先後朱邪歸唐入
居陰山為人沈厚寡言明宗愛之妻以女是為永甯公主常隸
明宗麾下天成元年拜保義軍節度使二年十月拜宣武軍節
度使三年從鎮天雄尋拜河東節度使大同彰國振武威塞等

蕃漢馬步軍總管落六軍副使愍帝即位加中書令徙鎮成
德清泰元年復鎮太原廢帝即位疑其必反三年五月徙鎮天
平果不受命謂其偏曰先帝投吾太原使老焉今無故而遷是
疑吾反也且太原地險而粟多吾當內撤諸郡外求援於契丹
張敬達等來討遠太宗入自雁門與唐兵戰敬達大敗乃築壇
於晉陽城南十一月丁酉即皇帝位國號晉改元天福以從子
重貴留守太原在位七年年五十二

紫陰山即大青山並
振武軍皆當在此處

追尊帝王

北周

太祖文皇帝字文泰字黑獺代郡武川人其先世居朔野為大人

卷之三 人物

有普回者因狩得玉璽三枚紐有文曰皇帝璽普回以為天授
其俗謂天子曰宇文因號宇文國並以為氏焉四世祖陵歸魏
賜爵安定侯天興初徙居武川陵生系系生韜韜生肱肱追謚
德皇帝泰其少子也母曰王氏泰生而有黑氣如蓋下覆其身
及長身長八尺方頰廣額美鬚髯髮長委地垂手過膝背有黑
子宛轉如盤龍形面色紫光人望而敬畏之少有度不事家
人生業輕財好施以交結賢士大夫為務初隨爾朱榮遷晉陽
以統軍從榮征討後以別將從賀拔岳討東海王顥於洛陽孝
莊時以功封甯都子從岳入關大昌元年為關西大行臺左丞
岳為侯莫陳悅所害遂統岳軍詔為大都督魏都長安軍國之

政咸決焉加授大將軍雍州刺史兼尚書令封略陽郡公晉丞一
相大統元年都督中外諸軍封安定郡公恭帝三年晉位太師
大冢宰十月薨年五十五武成元年初謚文公孝明受禪尊為
文王遂上尊號

隋

太祖武元皇帝楊忠文帝父也本宏農華陰人漢太尉震後震八
世孫燕北平太守鈇鈇子元壽魏初為武川鎮司馬因家於神
武樹額焉元壽生太原太守惠蝦蝦生平原太守烈烈生甯遠
將軍禎禎生忠忠美鬚髯身長七尺八寸狀貌瓌偉武藝絕倫識
量深重有將帥之略從獨孤信屢有軍功魏孝武西遷與信俱

歸周文帝召居帳下嘗從周文狩於龍門獨當一虎左挾其腰
右拔其舌周文壯之北臺謂虎為拚干因以字之從破沙苑陣
封襄武縣公歷雲洛二州刺史都督荆襄十五州軍事進爵陳
留郡公位大將軍魏帝賜姓普六茹氏行同州事周明踐阼入
為小宗伯進柱國大將軍武成元年封隋國公保定三年為大
司空三年伐齊為元帥出武川過故宅祭先人饗食將士席捲二
十餘城至晉陽乃班師周武帝拜為太傅是歲又東伐令出沃
野以應接突厥兵罷以疾還京師薨贈太保謚曰桓公開皇元
年文帝受周禪追尊為武元皇帝廟號太祖

鄉賢者舊

前漢

李沮雲中人事景帝武帝十七歲以左內史為疆弩將軍

郭昌雲中人以校尉從大將軍元帥四年以大中大夫為拔胡將軍屯朔方

後漢

邱靈舉字季智雲中人與同郡郝禮真並為郭泰所知因之成名而季智在大學泰嘗師禮之

裴岑雲中人順帝時敦煌太守時呼衍王屢叛侵言河西四郡永和二年岑將郡兵三千人誅呼衍王等斬馘其部眾克敵全師邊境又安立石紀功而還

案元和姓纂唐書宰相世系表並云裴遵為敦煌太守自雲
中從光武平隴蜀徙居安邑安順之際徙聞喜而巴里坤鎮
海碑則作敦煌太守雲中裴岑姓同里同官同惟碑立於順
帝永和而表云光武時其事及名為不同然表又言安順之
際則與碑又合也聞喜志辭疑遵即岑以盧陵作表采各姓
家傳松之子野草創時容有悞意或然也爰採碑文著於篇

西魏

宇文導字菩薩周文兄顥之次子也少雄豪自武川遷居晉陽與
周文隨賀拔岳入關常從征伐進斬侯莫陳悅於牽屯山封饒
陽縣伯魏文帝東征留為華州刺史趙青雀于伏德慕容紹慶

作亂導擒伏德斬恩慶進章武郡公加侍中周文東征為大都
督行華州刺史甚得守扞之方及西軍不利東魏追至稠桑知
關中有備乃退獨孤信為秦州刺史大都督十五州諸軍事周
文帝討齊文宣又徵拜大將軍大都督二十三州諸軍事屯咸
陽軍還乃旋舊鎮導性寬明善撫御周文每出征導恒居守
潔為夫人所附朝廷重之卒于上邽贈尚書令謚曰孝朝議以導
撫和西戎威恩顯著欲令世鎮隴右以彰厥德乃葬上邽城西
無疆原華戎會葬者萬餘人悲號振野皆曰我君捨我乎負土
成墳高五十餘尺周八十餘步為官司所止然後泣辭而去周
天和五年贈太師柱國公

雷紹字道宗武川鎮人有膂力善騎射年十八歲給事鎮府洛陽
見京都禮儀之美還謂同輩曰徒知邊備尚武以圖富貴不謂
文學身之寶也生世不學其猶穴處何所見焉遂辭母求師經
年通孝經論語嘗讀書至人行莫大於孝投卷歎曰吾離違侍
養非人子之道即還鄉里躬耕奉養以母憂哀毀骨立由是知
名召輔鎮佐後為賀拔岳長史岳有大事嘗訪而後行紹勸迎
孝武西都長安後岳欲保關中坐觀成敗紹知計不用請任邊
州遂為京兆太守清平理物甚得人和及岳遭侯莫陳悅之難
紹棄郡馳赴岳軍與寇洛等迎周文帝悅平以功授大都督涼
州刺史永熙三年為滑州刺史進爵昌國伯周文以恩舊接之

卒於州紹性好施祿賜皆分贍親故及卒無以送終還葬長安
文帝素服臨弔贈太尉賜東園秘器子洪

字文蚪字樂仁代武川人驍悍有胆略累著戰功封南安縣侯孝
武西遷以獨孤信為行臺引為帳內都督破田八能及高東魏
荊州刺史辛纂料功居多尋隨信奔梁大統三年歸闕進爵公
擒竇泰復宏農及沙苑河橋之戰皆有功及從信討梁企定破
之累遷南秦州刺史驃騎大將軍開府儀同三司蚪每經行陣
必身先卒伍故上下同心戰無不克後除金州刺史大將軍
卒

王德字天恩代武川人少善騎射以孝弟稱初從平元顓賜爵同

官縣子又從平万俟醜奴別封深澤縣男與寇洛等頌戴周文
除平涼郡守德雖不知書至於斷決處分良無以過涇州所部
五郡德常為最孝周西遷進下博縣伯行東雍州事在州未幾
百姓懷之賜姓烏丸氏大統元年進爵公加車騎大將軍遷儀
同三司北雍州刺史後累有戰功加開府侍中追河間郡公拜
河州刺史羣羌率服後卒於涇州刺史謚曰獻德性厚重廉慎
言行無擇母年幾百歲後德終子慶嗣性謹厚位開府儀同三
司初德喪父貧無以葬賣子公奴並一女以營葬事旋遭兵亂
及在平涼始得之遂名曰慶

王勇代武川人本名胡仁少雄健有胆決數從侯莫陳悅賀拔岳

征討功居多拜別將周文為丞相封包信縣子從擒竇泰復宏
農戰沙苑氣益衆軍所當必破周文嘆其勇賞賜特隆進爵公
邙山之戰率敢死之士三百人並執短兵大呼直進出入衝擊
殺傷甚多敵無敢當者時大軍不利惟胡仁及王文達耿令貴
三人力戰軍還皆拜上州刺史令探籌取之胡仁遂得雍州賜
名勇進侍中驃騎大將軍開府儀同三司恭帝元年從征蠕蠕
破之進新陽郡公賜姓庫汗氏又別封永固縣伯特請迴授兄
子興時人義之尋進大將軍卒子昌嗣官至大將軍

若干惠字惠保代武川人父樹利周從魏廣陽王深征高榮戰沒
贈冀州刺史惠以別將從賀拔岳以功封北平縣男與寇洛趙

貴翊戴周文仍從平侯莫陳悅拜直閭將軍從擒竇泰復兗農
破沙苑每先登陷陣加侍中開府儀同三司封長樂郡公大統
四年從魏文帝東巡洛陽與齊神武戰于河橋力戰破之七年
遷領軍高仲密來附周文軍至洛陽齊神武屯於芒山惠為右
軍與中軍破之齊兵乃卒右軍軍將趙貴等戰不利會日暮齊
兵攻惠惠擊之皆披靡至夜中騎復來追惠惠徐下馬顧命尉人
營食食訖謂左右曰長安死此中死異乎乃建旗鳴角收軍而
還齊追騎憚惠疑有伏兵不敢逼至宏農見周文獻歎不自勝
周文壯之遷司空惠性剛質有勇力撫御將士莫不懷恩侯景
內附鎮魯陽卒於軍惠於諸將年最少事母孝周文嘗造射堂

新成與諸將宴射惠亦鵠嘆曰親老矣何時辦此周文即日從堂於惠宅其見重如此及卒為流涕喪至又臨撫焉加贈秦州刺史謚曰武烈子鳳字達摩有識度襲長樂郡公尚周文女位開府儀同三司大馭中大夫後錄惠功封徐國公拜柱國

趙善字僧慶代武川人貴從祖兄也少好學美容儀沉毅有遠量余朱天光討那杲万俟醜奴以為長史普泰初為大行臺尚書封山伯縣伯天光敗死善請收葬神武義而許之賀拔岳總關中迎善為長史後乃從周文孝武帝西遷改封襄城縣伯歷尚書左右僕射進爵為公善性溫恭有器局位居端右而愈自謙退時人稱其有公輔量大統九年從戰芒山為敵所獲卒於東

魏建德初子詢表請贈謚詔贈大將軍大都督四川諸軍事此
州刺史謚曰敬

王盟字忸其先樂浪人六世祖波前燕太宰祖珍魏黃門侍郎贈
并州刺史樂浪公父罷伏波將軍以良家子鎮武川因家焉正
光中破六韓拔陵攻陷諸鎮為所擁後流寓中山以積射將軍
從蕭寅寅西征隨賀拔岳禽万俟醜奴平秦隴常先登力戰周
文平侯莫陳悅除原州刺史孝武至長安封魏昌縣公大統三
年徵拜司空轉司徒文帝東征以留後大都督行雍州事節度
關中諸軍趙青雀之亂輔太子出頓渭北事進長樂郡公賜姓
拓跋氏遷太保九年進位太傅加開府儀同三司盟姿度宏雅

仁而汎愛雖居師傅而謙忠自處未嘗以勢位驕人及疾上數幸其第親問所欲十一年薨贈本官謚曰孝定

王勒字醜與盟子忠果有材幹年十七從周文入關平秦隴定關中周文嘗謂曰為將坐見成敗者上也披堅執銳者次也勒曰意欲兼之周文大笑拜散騎常侍賜爵梁甫縣公大統初為千牛備身直長領左右出入臥內小心謹厚文帝嘗曰王勒可謂不二心臣也沙苑之役勒以都督領兵居左翼被傷重卒於行間周文深悼贈使持節太尉尚書令十州諸軍事雍州刺史追封咸陽郡公謚曰忠武子弼龍衣爵尚魏安樂公主任大都督通直散騎常侍勒弟懋字小興盟之西征也懋幼留山東永安

中始入關遂征伐大統初賜爵安平縣子進爵為公遷右衛將軍盟卒懋上表辭位乞終喪制帝不許累遷開府儀同三司侍中左衛將軍領軍將軍溫和有敬慎宿衛十餘年未嘗有過廢帝二年除南岐州刺史賜安甯郡公拜小司寇卒官子悅嗣位大將軍同州刺史改封濟南郡公

梁禦字善通其先安定人因官北邊遂家武川改姓紇豆陵氏高祖俟力提從魏太武征討位揚武將軍定陽侯禦少好學進趣詳雅長好弓馬尔朱天光西討引為左右平關隴除益州刺史第一領人酋長封白水縣侯從賀拔岳鎮長安岳被害翊戴周文秦隴平欲引兵東下雍州刺史賈顯持兩端以禦崇為大都督

雍州刺史領前軍先行說顯出迎遂入鎮大統元年進爵信都
縣公授尚書右僕射從復宏農破沙苑加侍中開府儀同三司
進爵廣平郡公出為東雍州刺史為政舉大綱而已人庶稱之
臨卒惟以國步未康為恨言不及家贈太尉尚書令雍州刺史
謚曰武昭子睿

寇洛上谷昌平人父延壽魏和平中以良家子鎮武川因家焉洛
性明辨不拘小節賀拔岳西征從入關以功封安鄉縣子岳為
大行臺以洛為右都督侯莫陳悅既害岳洛素為衆信乃收集
將士志在復讐至原州推洛為盟主周文至以洛為都督從討
侯莫陳悅平之拜涇州刺史大統初詔加開府進爵京兆郡公

封洛母宋為襄城郡君四年鎮東雍州五年卒於鎮贈太尉
尚書令謚曰武子和嗣周明年二年詔洛配享文廟庭賜姓和
若引氏改封松陽郡公

念賢字蓋盧金城抱罕人父求就以大家子戍武川鎮仍家焉
賢美容質頗涉經史兒時在學讀書有善相者諸生競詣之賢
獨不往笑謂諸生曰男兒死生富貴皆在天也何遽相乎遭父憂
居喪有孝稱後以破衛可懷功除別將又以軍功封屯留縣伯從
尔朱榮入洛兼尚書右僕射東道行臺進爵平恩縣公永熙
中孝武以賢為中軍北向大都督進爵安定郡公加侍中開府
儀同三司大統初年拜太尉為秦州刺史加太傅給後部鼓吹



三年轉太師都督河州刺史大將軍久之還朝兼錄尚書事
 後與廣陵王欣扶風王季等同為正直侍中時行殿初成未有題
 目帝詔近侍各名之莫允帝心賢乃圖極對帝笑曰正與朕意
 同河橋之役賢不力戰名願減五年除都督秦州刺史薨於州
 謚曰昭定賢於諸公皆為父黨自周文以下咸拜敬之子華性和
 厚有長者風官至開府儀同三司合州刺史

耿豪鉅鹿人本名令貴其先於武川少麤獷有武藝好以氣陵人賀
 拔岳西征引為帳內歸周文以武勇見知豪亦自謂所事得
 主從討侯莫陳悅及迎孝武錄前後功封平原子沙苑之戰血
 染甲裳盡赤周文嘆曰令貴武勇所前無前觀其甲裳足以為

驗不須更論級數也進爵為公芒山之戰豪謂所部曰大丈夫
除賊須右手拔刀左手把稍直斫直刺慎莫皺眉畏死遂大呼
獨入敵人鋒刃亂下當時咸謂豪沒俄然奮刀而還戰數合當
豪前者死傷相繼又謂左右曰吾豈樂殺人壯士除賊不得不
爾拜北雍州刺史賜姓和稽氏進位侍中驃騎大將軍開府儀
同三司豪性悍言多不遜周文惜其驍勇每優容之豪亦自謂
意氣冠羣終無所屈年四十五卒周文痛惜之于雄嗣位至大
將軍

宇文洛生字任俠代武川人好施愛士北州賢俊皆與之遊而才能
多出其下及葛榮破鮮于修禮以為漁陽王仍領父肱餘眾

時人皆呼為洛生王洛生善撫將士是以克獲常冠諸軍為爾
朱榮所害保定初追贈大將軍封昔國公謚莊子菩薩為齊神
武所害保定初追贈大將軍小宗伯襲爵謚穆以晉公護子嗣
宇文測字澄鏡代武川人文帝族子高祖中山曾祖豆顏祖騏驎
父永仕魏並顯達測性沈密少篤學位司徒右長史尚宣祖女
陽平公主拜駙馬都尉孝武疑齊神武詔測詣周文密為之備
還封廣州縣伯西遷進爵為公周文為丞相以測為右長史委
以軍國歷位侍中開府儀同三司行汾州事政在簡惠頗得人和
地接東魏數相抄竊有獲其為寇者測皆命解縛引與相見
如客禮設宴放還東魏人大慙兩界遂通慶弔時論方之羊叔

子或有告測者周文怒曰測為我安邊何為間骨肉命斬之仍許測便宜從事轉行綏州事河冰合大厥每來寇常預遷居人入城堡以避測至皆令安堵於要路數百處多積柴仍遠斥堠知其動靜突厥果來積柴處一時縱火突厥謂大軍至懼而遁走自是不敢復至因請置戍兵以備之卒贈太子少保文帝親臨慟焉令水池公監護喪事謚曰靖測性仁恕好施與在洛陽日曾被盜竊州縣擒盜測恐坐以死不認所失物遇赦免盜感恩請為測左右測從孝武西遷事極狼狽盜亦從入關無異志子該嗣位除州刺史

東魏

蔡雋廣甯石門人父普守五原有功拜甯朔將軍卒贈燕州刺史
雋豪爽有胆略齊神武微時深相親附神武謀誅杜洛周雋預
其計事泄歸爾朱榮從入洛又從萬榮平元顥封為洛縣男隨
神武舉義平鄴破韓陵並有戰功進爵侯出為齊州刺史為政
嚴暴然亦明解吏人畏服之性好賓客頗稱施惠天平中卒於
揚州刺史贈尚書令司空公謚威武齊初祭其墓皇建初配
享神武廟庭

韓賢字普賢廣甯石門人壯健有武勇為尔朱度律帳內都督
封汾陽縣伯後為廣州刺史及齊神武起義度律以賢素為神
武所知遣使徵之賢不願去乃密遣羣蠻多舉烽火若有寇至使

者遂為啟得停賢仍潛通誠於神武後拜建州刺史天平初歷
洛州刺史州民韓木蘭等作逆賢擊破之親自案檢收甲仗有
一賊窘迫藏於死尸之間忽起斫賢卒贈尚書令司空子裔嗣
任祥字延敬廣甯人伯父桃太和初為雲中軍將祥隨之因家焉
少和厚有器度初從葛榮榮敗先降拜庶人再太守賜爵西河
縣公隨齊神武起兵封魏郡公後兼尚書左僕射進開府儀同
三司位望既重能以寬和接物人士稱之及斛斯椿亂發棄官
歸神武天平初拜侍中遷徐州刺史梁遣滑寇邊祥破於北濟陰
又破之單父在州為政不殘禮敬人士不為民所疾苦潁川長史賀
若微附西魏祥戰失利還與侯景高昂共攻拔潁川元象中

中卒贈太尉公子胄天平中東郡太守後為尔朱文暢謀誅
段榮字子茂祖士信仕沮渠氏後入魏以豪族從北邊家於五原
郡父連安北府司馬榮少好曆術專意星象正光初語人曰天
垂象見吉凶今觀天象察人事不及十年當有亂矣或問曰起
於何處當可避乎榮曰構亂之原此地為始恐天下因此橫流
無所避也未幾果如言榮遇亂與鄉舊携妻子南趣平城偏
杜洛周為亂與齊神武謀誅之事不提共奔尔朱榮後神武建
義山東榮贊成大策為行臺右城西北道慰諭大使巡方曉諭
所在下之神武南討鄴留榮鎮信都所須軍資榮轉輸無闕神
武入洛論功封姑臧侯轉授瀛州刺史榮妻婁后姊也榮恐神

武私親之議固推諸將竟不之州尋行相州事後為濟州刺史天
平三年轉行恭州事榮性溫和所歷皆推仁恕民吏愛之初神
武將圖闕右與榮密謀榮盛稱未可及滑曲失利神武悔之曰
吾不用段榮之言以至於此四年除山東大行臺大都督甚得
物情大象元年授儀同三司二年五月卒贈大尉尚書右僕射
謚曰昭子韶字孝先位至左丞相永昌郡公為齊名將

北周

宇文深字奴于代武川人侍中測弟也性鯁直有器局年數歲使
累石為營布置行伍皆有軍陣之勢父永見之曰後必為名將
孝武西遷事起倉卒深時為子都督領宿衛兵撫循所部並得

入關以功賜爵長樂縣伯大統中累轉尚書直事郎中齊神武
屯蒲坂遣其將竇泰趨潼關高歡曹圍洛川周文將襲泰諸
將難之問策於深深曰竇氏高歡驍將仗以御侮今大軍就蒲
坂歡守竇援內外投敵取惑道也不如選輕銳潛出小關竇性
急來戰高歡持重未即救之竇可擒也迴師禦歡可以制勝文
帝喜曰是吾心也軍遂行果獲泰神武亦退又說帝取宏農尅
之謂深曰君即吾家陳平也神武率大眾至沙苑深獨賀文帝問
故曰歡撫河北甚得衆心懸師渡河非衆所欲恥失竇氏復諫
而來所謂忿兵一戰可擒也尋大破齊軍果如所策進爵為侯
六官建拜小吏部下大夫遷中大夫武成元年遷幽州刺史改

良化城廟志 卷之二
封安化縣公保定初除京兆尹入為司會中大夫深少喪父事
兄甚謹性多奇譎好讀兵書居近侍每進籌策及在選曹
頗有時譽從弟神舉神慶幼孤深撫訓之義均同氣卒於
位謚曰成康子孝柏

崇周太祖家武川地當在蒙古境水經注謂城在白道中溪
則歸化界內地矣舊通志宇文氏皆隸窟甬武非

宇文神舉文帝族子高祖普陵曾祖求男仕魏竝顯達祖金殿充
州刺史安喜縣侯父顯和少龍衣爵性矜嚴頗涉經史膂力絕人
能左右馳射孝武在藩早蒙眷遇及即位拜閭內都督封陽城
縣公定入關策遷大都督改封長廣縣公進位車騎大將軍儀

同三司散騎常侍卒神舉早狹有夙成之量及長神情倜儻志略
英瞻明帝初起家中侍上士帝留意翰林而神舉雅好篇什
游幸恒從龍衣爵長廣縣公天和元年累遷右宮伯中大夫進爵
清河郡公建德三年自京兆尹出為熊州刺史齊人憚其威名
尋改并州州即齊氏別都多有姦猾神舉示以威恩遠近悅服
改封武德郡公進柱國大將軍又改封東平郡公宣政元年轉
司武上大夫討平盧昌期於范陽齊黃門侍郎盧思道亦在反
中將解衣伏法神舉釋而禮之即令草露布稽胡反冠西河與
越王盛討之突厥赴救以奇兵擊走稽胡歎服授并州總管武
帝時神舉處心腹之任王軌宇文孝伯等屢言太子之短神舉

亦頗預焉宣帝即位懼及禍懷不自安初定范陽後威聲甚振
帝忌其名兼以宿憾使人齎酖酒賜之薨於馬邑時年四十八
神舉美風儀善辭令博涉經史尤工騎射臨戎對寇勇而有謀
蒞職當官每著聲績兼好施愛士以雄豪自居故得任兼文武
聲彰内外子同嗣位至儀同大將軍

宇文護字薩保代武川人顯少子幼方正有志度特為祖肱所愛
文帝入關以年少不從魏普泰初始自晉陽至平涼時年十七
文帝諸子並幼遂委以家務内外無不嚴肅文帝歎以為類己
初為都督封永池縣伯大統十三年進封中山公十五年遷大
將軍拜司空文帝西巡至牽屯山過疾召護至涇州曰吾形容

若此必不濟諸子幼天下事以屬汝護設涕泣奉命行至雲陽秘
喪至長安綱紀內外撫循文武衆心乃定尋拜相國諷魏以禪
代事孝閔初拜大司馬封晉國公邑萬戶又拜大冢宰尋幽
孝閔迎明帝立之二年拜太師賜路車冕服封子至為崇業郡公
又拜雍州牧賜金石之樂武成元年護上表歸政許之軍國大
事尚委於護又有膳部下大夫李安之謀護兵武帝百官總已
以聽左右十二軍總屬相府凡徵發非護書不行護第屯兵禁
衛盛於宮闕事無巨細皆先斷後聞保定元年為都督中外
軍令五府總於天官詔同州晉國第立德皇帝別廟使護祭焉
三年詔自今詔語及百司文書並不得稱公名以彰殊禮先是護

母闔與白皇帝四姑及諸戚屬並沒齊皆被幽繫護每遣使尋
求莫知音息至是並許還朝且請和好四年皇姑先至齊主以
護權重乃留其母以為後圖後母至舉朝慶悅大赦天下每四
時伏臘武帝率諸親戚行家人禮稱觴上壽榮貴之極振某
聞天和二年護母卒賜軒懸之樂六佾之舞七年三月十八日
帝以玉璽學之踣地衛王直出斬之收護子柱國譚國公會大
將軍芒國公至崇業公靜正平公乾嘉及乾基乾光乾蔚乾祖
乾威等並其黨時護世子訓為蒲州刺史夜遣柱國越公盛乘
傳鎮蒲州徵訓蒲昌城公深同誅三年詔復先封謚曰蕩
趙貴字元寶天水南安人祖仁以良家子鎮武川因家焉貴少有

節概尔朱榮以為別將從討元顥有功賜爵燕樂縣子從賀
拔岳平閔中累遷大都督岳為侯莫陳悅所害貴謂其黨曰朱
伯厚王修感意氣微恩尚能蹈履名節况吾等荷國士之遇甯
可自同家人從五十人詣悅詐降請收葬岳悅壯而許之遂與寇
洛等奔平涼首議迎周文既至以貴為大都督領府司馬悅平
行秦州事預立魏文勳進爵為公為隴西行臺討梁企定破之
從復宏農沙苑進爵中山郡公芒山之戰貴為左軍失律坐免
官尋拜柱國大將軍賜姓乙弗氏六官建為太保太宗伯改封
南陽郡公周孝閔踐阼遷大冢宰進封楚國公邑萬戶初貴
與獨孤信等皆與文帝等夷晉公護攝政貴自元勳每快

快為護所害

韓果字阿六拔代武川人少驍雄善騎射賀拔岳引為帳內後從
平侯莫陳悅大統初累進爵石城公果性強記兼有權略善伺
敵虛寔揣知情狀有潛匿窟谷欲為間偵者果登高望之所疑
處往必有獲由是為虛侯都督常領騎晝夜巡察略不眠寢
從平實秦又從復宏農破沙苑戰河橋並有功歷朔安二州刺
史從戰芒山除河東郡守又從破稽胡於北山進兵窮討散其
種落稽胡憚果勁捷號為著翅人周文聞之笑曰著翅之名甯
滅飛將累遷開府儀同三司進襄中郡公保定三年拜大帥進
柱國天和初授華州刺史為政寬簡吏人稱之卒子明嗣為黎

州刺史與尉遲迥同謀被害

賀蘭祥字盛樂其先與魏俱起有乞伏者為賀蘭莫何弗因以為氏後有以良家子鎮武川者遂家焉父初真少知名為鄉閭所重尚文帝姊建安長公主保定二年追贈太傅柱國常山郡公祥年十一而孤居喪合禮長於舅氏為周文所愛雖在成旅博延儒生教以書傳周文初入閔祥與晉公護俱在晉陽後遣使迎致之解褐奉朝請少有胆氣志在立功尋擢補都督從平侯莫陳悅又迎魏孝武以前後功封撫夷縣伯從擊潼關獲東魏將薛長儒攻回落拔之拜左右直長進爵為公大統九年從戰芒山進位驃騎大將軍開府儀同三司加侍中十四年除都督

荆州刺史進爵博陵郡公先是祥嘗行荆州事雖未甚月頗有
惠政至是重任百姓安之漢南流人襁負至者日有千數遠近
蠻夷莫不款附祥隨機撫納咸得歡心時深夏元陽境內有發
冢暴骨者謂守令曰此豈仁者為政邪命所在收葬之即日樹
兩性清素時與梁通好公私贈遺一無所受梁雍州刺史岳陽
王蕭詵欽其風素以竹屏風締綵之屬及經史贈之祥難違其
意取付所司周文後聞之並以賜祥十六年拜大將軍周文以涇
渭溉灌之處渠堰廢毀乃令祥修造富平堰開渠引水東注
於洛人獲其利魏廢帝二年行華州事後改華州為同州仍以
祥為刺史尋拜尚書左僕射六官建授小司馬孝閔踐阼位柱

國大司馬晉公護執政祥與護中表少相親愛軍國之事皆與
參謀誅趙貴廢閔帝祥有力焉武成初吐骨渾侵涼州郡詔祥
與字文貴討之援洮陽洪和二城振旅而還進封涼國公薨贈
太師同岐等十二州諸軍事同州刺史謚曰景有七子敬讓璨
師寬知名敬火厯顯職封化隆縣侯後襲爵涼國公任柱國華
州刺史讓大將軍鄭州刺史河東郡公璨開府儀同三司宣陽
郡公建德五年從於并州戰沒贈上儀同大將軍進清都公師
尚明帝女位上儀同大將軍幽州刺史博陵郡公寬開府儀同
大將軍武始公入隋厯汴鄭二州刺史並著政績

侯莫陳崇字尚樂代北部人祖元以良家子從鎮武川因家焉父

與殿中將軍羽林監贈柱國太保清光郡公崇火驍勇善騎射
謹憇以言年十五隋賀拔岳與爾朱榮征葛榮後從岳入關破
赤水蜀又從岳力戰破万俟醜奴崇與輕騎逐北至涇州長院
及之賊未成列崇卓騎賊中於馬上生擒醜奴遂大破之封臨
涇縣侯及岳為侯莫陳悅所害崇謀迎周文帝時原州刺史
史歸為悅守周文遣崇襲歸直到城下即據城門內鼓譟伏兵
悉起遂擒歸斬之以崇行原州事仍從平悅別封廣武縣伯累
遷儀同三司改封彭郡公從擒竇泰復宏農破沙苑戰河橋又
別討平稽胡果戰有功進柱國大將軍拜大司空周初進封梁
國公加太保歷太宗伯大司徒保定三年從武帝幸原州時帝

夜還崇私議字文護護遣使將兵就崇宅逼令自殺謚躁護
誅改謚莊閔子萬嗣位柱國從東伐守太行道并州平授上柱
國仍從平鄴拜大司馬

侯莫陳順代武川人少豪俠有氣度初為爾朱榮統軍普泰元年

封本縣子從孝武入關順與周文帝同里開弟崇又先在關中
進彭城郡公梁企定逼河州為大都督討破之尋行河州事大
統四年魏文帝東討順留鎮長安時趙青雀反王盟周惠達奉
魏太子出次渭北順於渭橋與賊戰頗破之魏文帝還執順手
曰渭橋之戰卿有殊功解所服金錢玉梁帶之南岐州氏羌
符安壽遂率部落一千款附改河間郡公六年加驃騎大將軍

開府儀同三司行西夏州事改平原郡公周初拜大帥進柱國
卒崇弟瓊荊州總管上柱國封修武郡公瓊弟愷以軍功賜爵
下蔡縣男進靈武縣侯周初轉授為開府儀同三司進公天和
中為司會中大夫建德二年為聘齊使

獨孤信雲中人本名如願祖始尾魏和平中以良家子鎮武川因
家焉父庫者雄豪有節義北州人敬服之信美儀容善騎射
好自修飾軍中號為獨孤郎以戰功爵受德縣侯遷衛大將軍從
賀拔岳出鎮及勝弟岳遇害撫岳餘眾歸周文及孝文西遷信
單騎及之於瀍澗賜御馬一匹進浮陽郡公大都督秦州刺史
在州事無雍滯示以禮教勸以農桑公私富實遠人歸附周

文以其信著遐邇賜名為信進位柱國大將軍錄前後功贈封五子俱公侯伯長女周明帝敬后次女唐祖母李女隋文帝獻后三代皆外戚自古以來未之有也信以在隴右日久求還朝不許進大宗伯封衛國公後為宇文護所逼自盡於家年五十五

隋

侯莫陳穎字遵道代武川人崇子也少有器量夙神英言發為時輩所推魏大統末賜爵廣平侯遷開府儀同三司從滕王適擊龍泉文城胡懸軍五百餘里破其三柵時語胡厭匿良人者誅沒其妻子有人言為胡村所隱匿柱國豆盧勳將誅之穎曰未若召其渠帥以隱匿者付之令自歸首勳從之諸胡爭降附遷司

武加振威中大夫隋初加上開府進昇平郡公伐陳從秦王俊出
魯山道渡江安集歸附遷瀛州刺史甚有惠政後免百姓送者
莫不流涕因立碑頌穎清德後拜邢州刺史仁壽中吏部尚書
牛宏持節巡撫山東以穎為第一上優詔褒揚時妙簡清吏
嶺南徵穎入朝拜大將軍桂州總管十七州諸軍事大崇恩
信人夷悅服煬帝初以兄芮事徵還後拜恆山太守時嶺南閩越
多不附帝以穎為南方所信服拜南海太守卒謚曰定子虔

宇文述字伯通代武川人本姓破野頭父盛周上柱國述少驍銳便
弓馬周武帝時以父功拜開府大冢宰宇文護愛之領親信召
為左宮伯也遷要果中大夫賜爵博陵郡公尋改濮陽隋高

祖為相以行軍總管率步騎三千從韋孝寬至河陽平尉遲迥
每戰有功超拜上柱國進褒國公賜練三千匹開皇初拜右衛
大將軍伐陳以行軍總管率眾三萬自六合濟時韓擒虎賀若
弼兩軍趣丹陽述進據石頭以為聲援蕭嶽蕭巖據東吳述
領行軍總管元契張默言等伐之水陸兼進嶽立柵晉陵城東
又絕塘道而自義興入湖掩述後述進破其柵迴兵擊手敗嶽斬嶽
司馬曹勒進至奉公埭蕭巖陳君範以會稽降吳會悉平賜一
子開府物二十段拜安州總管晉王廣奏為壽州刺史總管及
為皇太子以述為左衛率大業初左衛大將軍改許國公三
年加開府儀同三司冬正朝會給鼓吹一部從幸榆林吐谷渾

遣使請降今述以兵屯西平之臨羌城撫納降附吐谷渾西遁述
□鷹揚郎將梁元禮張峻崔師等進至曼頭城攻拔之斬三
千餘級乘勝至赤水城復拔之其餘黨走屯邱尼川進擊大破
之獲王公尚書將軍二百人前後虜男女四千口渾主南走雪
山故地皆空上大悅明年從西幸登燕支每為斥候渾賊復寇
張掖進擊之還至江都宮敕與蘇威當典選舉參與朝政述
時貴重委任與蘇威等而親愛過之言無不從寵遇當時莫與
為比及征高麗為扶餘道軍將與九軍至鴨綠水乙支文德來
□營述緩縱文德逃歸遂渡水追之一日中士戰皆捷東濟薩
水去平壤城三十里因山為營文德復遣使偽降述因其詐而

還衆半濟賊擊後軍軍大潰不可禁止九軍敗績初軍三十萬
五千人及還惟二千七百人除名為民明年從東征復官爵班
師今馳驛赴河陽發諸郡兵以討楊元感元感西遁將圖關中
述躡至閔鄉皇天原與來護兒列陣當其前遣突厥通以奇兵
擊其後大破之遂斬元感賜物數千段復從東征至懷遠西還
卒於江都廢朝贈司徒尚書令十郡太守班劍四十人輜輜車
前後部鼓吹謚曰恭祭以太牢

宇文慶字神慶神舉弟沈深有器局少以聰敏見知授業東觀頗
涉經史既而曰書足記姓名而已安能久事筆硯為腐儒業乎
文州賊亂慶從征以授都督衛王直鎮山南引為左右慶善射

有胆氣好格猛獸直壯之遷車騎大將軍儀同三司預誅宇文
護進授驃騎大將軍加開府從攻河陰先登攀堞與賊短兵接
中石乃墜絕而後蘇帝勞之曰卿勇可以賈人也復從救晉州
齊兵大至慶與齊王憲卒與賊寇惠挺身而循慶退據汾橋賊
爭進慶射之所中人馬必倒賊乃稍卻拔高壁克并州下信都
禽高浩功益居最進大將軍封汝南郡公尋以行軍總管擊
延安胡平之歷延甯二州總管隋文為丞相以行軍總管征江表
以勞進上將軍帝與慶有舊甚相親待令督丞相軍事委以
心腹尋加柱國開皇初拜左武衛將軍進上柱國數年除涼州
總管歲餘徵還加以優禮卒於家子靜亂尚隋文女廣平公主

位儀同安德縣公熊州刺史先慶卒協位右翊衛將軍字文化
及之亂遇害

王誼字宜君代武川人父顯周鳳川刺史誼少有大志便弓馬博
覽群言閔帝時為左中侍上士晉公護執政帝拱默無所關預
有朝於帝者微不恭誼勃然進擊之朝臣無敢不肅遷御史大
夫父艱毀瘠過禮廬墓側負土成墳武帝即位遷內史大夫封
楊國公齊平自相州刺史徵為大內史汾州稽胡亂帝弟越王盛
譙王儉為總管並受誼節度擊平之封一子開國公受遺詔
輔政宣帝即位憚誼剛正出為襄州總管隋文為丞相時鄭洛
多難誼分兵討之旬月皆平遣使勞問冠蓋不絕以第五女妻

其子奉孝拜大司徒誼自以與帝有舊亦歸心焉隋受禪顧遇
彌厚奉使突厥稱旨進郢國公子奉孝卒踰年誼表請公主除
服為御史大夫楊素所劾詔不問然恩禮稍薄有告誼謀反
者帝案其事無實賜酒釋之尋以罪賜死

杜彥雲中人父遷徙幽彥勇果善騎射仕周左侍上士後從陸通
擊陳將吳明徹於土州破之又擊叛蠻克含壇白楊二柵斬渠
帥進平郢州賊帥樊志拜大都督尋遷儀同治隆州郡事復
拜隴州刺史賜爵永安縣伯從韋孝寬擊尉遲迥每戰有功進
上開府改襄武縣侯拜魏郡太守開皇初授丹州刺史進爵公伐
陳為行軍總管軍至南陵敵屯據江岸彥遣儀同樊子蓋率精

兵破其柵獲船六百餘艘度江擊南陵城拔之擒其守將許翼
迨至新林與韓擒虎合軍陳平賜物五千段粟六千石進在國
賜子寶安爵昌陽縣公高智慧亂復以行軍總管從楊素討
之別解江州圍智慧餘黨聚溪洞彥水陸兼進攻錦山陽父若石
壁四洞悉斬渠帥復擊斬賊李施于彭山擊平徐州宜豐二洞
賜奴婢百餘口拜洪州總管甚有治名歲餘上曰吾思可以鎮
榆林代賀婁子幹者莫過杜彥徵拜雲州總管突厥來寇輒擒
斬之遂不敢至塞後數年錄前功賜子寶度爵承縣公十八年
征高麗以行軍總管從漢三至營州令總統五十營事及還拜
朔州總管以彥素為突厥所憚復拜雲州總管彥奇因疾徵還卒

年六十竇度大業末為文城郡丞

獨孤羅字羅仁武川人信長子為高氏所囚後寓居中山孤貧無
以自給信入閔娶二妻郭氏生子六善移藏順地整崔氏生隋
獻皇后及齊亡隋文帝為定州總管獻皇后遣求羅得之周武
帝以羅功臣子徵拜楚安郡太守文帝為丞相拜儀同隋初追
贈羅父后曰羅誠嫡長不可誣也於是龍衣趙國公以弟善為河
內郡公穆金泉縣公藏武平縣公施武喜縣公整千牛備身權
羅左領將軍遷左衛將軍前後賞賜不可勝計出為涼州總管
進上柱國徵拜左武衛大將軍煬帝改封蜀國公卒謚恭子纂
嗣河陽郡都尉曾弟武都亦為河陽都尉庶長子開遠大業末

為千牛與獨孤盛力戰間下為賊所執賊義而捨之

後唐

康思立山陰諸部人少為騎將從莊宗破梁戰柏鄉以功遷指
揮使後唐應嵐二州刺史宿州團練使昭武軍節度使徙
鎮保養胥有善政

宋

袁繼忠振武人徙并州父進周階州防禦使繼忠蔭補右班殿直
宋平澤潞討并汾悉預攻戰征蜀隸劉廷讓有功知雲安軍歷
嘉蜀二州監軍伐廣南為先鋒塚砦遷供奉官護隰州白雲
關屯兵累入河東境破三砦近戍主將懼無功以所獲分與之改

天平軍巡檢太宗初遷閭門祇候擊破梅山洞賊又巡邊還部
於唐龍鎮從征太原預破鷹揚軍先登陷陣遼師師入代境
擊走之遷通事舍人護高陽關屯兵破遼師長城口殺護數萬
兩玉書褒美趙保忠獻地綏州刺史李克憲復塞遣繼忠諭旨
竟率克憲入朝遷西上閭門副使定河西諸州大破西人於葭蘆
川遷引進副使護定州屯兵遷西上閭門使雍熙三年為定州路
行營馬步軍都監從田重進取飛狐下靈邱平蔚州擒其帥大
鵬翼師還殿後行列甚整重進欲殺降卒繼忠救免之遷判四
方館事領播川刺史易州靜塞騎兵尤驍果李繼隆取隸麾下
既而契丹陷靜塞城盡俘騎兵妻子繼隆疑軍怨已欲分隸諸

將繼忠曰不可但奏升其軍額優以廩給使之晝即可也衆皆
感悅繼忠因自請隸麾下會遼師駐唐河北諸將欲堅壁待之
繼忠曰今強敵在近城中屯兵不能前蒞滅顧令長驅深入豈折
衝禦侮之道乎我將身先士卒死於寇矣辭氣慷慨衆壯之靜
塞軍摧鋒先入遼師大潰璽書將大諭厚賜予之遷引進使護
鎮定高陽閔兩路兵卒年五十五繼忠長厚忠謹士大夫多與遊
前後賜資鉅萬悉以犒士既死家無餘蓄子用成雍熙初第
進士至太常博士

王承美豐州人父某事契丹為左千牛衛將軍開寶二年率衆來
歸父卒授天德軍蕃漢都指揮豐州刺史太平興國七年與契

丹戰斬獲萬衆擒其天德軍節度使韋太以獻明年契丹入寇
擊敗其衆追至青塚百餘里斬獲甚衆尋請於州城置孔子廟
許之

元

謝睦歡豐州豐縣人從太祖攻西京力戰先登連中三矢仆城下
太宗見而憐之命軍校拔其矢縛牛剖其腸裹而納諸腹中
良久乃甦誓言以死報每遇敵必身先之官至太原路金銀鐵
治達嚕噶齊

謝仲溫睦歡子也甚且頤廣頰聲音洪亮略涉書史見世祖於野狐
嶺命備宿衛城上都以工部提領董其役大軍伐宋圍鄂令督

將守江時軍士乏食仲溫教之習魚人賴以飽中統元年擢平陽太原兩路宣撫時二年改西京至元九年遷順德路總管時方用兵有鬻子以償轉輸之值者仲溫出俸金贖還之十六年為湖南宣慰使二十二年改淮東歲旱仲溫導白水塘溉田公私賴焉大德六年卒年八十子蘭江州達魯噶齊孫完承事郎莫甯等路管民提司達魯噶齊

馬祖常字伯庸世為雍古部居靖州之天山先世事金為馬黃軍指揮使子孫因以馬為氏曾祖月合乃憲宗命協理斷事官事奏免儒人丁五常平倉多所建自從世祖南征掌饋餉卒諡忠懿父潤同知漳州路總管府徙家光州祖常七歲知與否行錢即

市書十歲見燭歌燒屋解衣沃水以滅大眾嗟異之既長從蜀
儒張頴講道儀直質疑義頴甚器之延祐初鄉會試嘗舉首
廷試第二授應奉翰林文字擢監祭御史上書請御正衙立朝儀
使因建白二十五事英宗為皇太子又請慎簡師傅時特穆伊
德爾為丞相益國史率同官達爾瑪劾其十大罪仁宗震怒命
解相位秦州山移言山木不動之物今而動焉由在野有當用
不用之賢在官有當言不言之佞故有是異疏入大臣皆家居
待罪亡何特穆伊德爾復相左遷開平尹欲陰中之乃退居光
州久之特穆伊德爾死除翰林待制累遷禮部尚書兩知貢
舉一為讀卷官尋忝議中書省事天曆中除南臺中丞元統初召

議新政賜鈔萬貫遂拜御史中丞持憲益存大體臺劾其僚
禁酷時有酒客以苛細不問嘗言將家子弟多驕脆有辜任使
而庶民有挽強蹶張老死草野者當建武科儲材以備非常之
用格不行尋轉樞密副使辭疾歸起行臺中丞皆不赴卒
年六十封魏郡公謚文貞嘗預修英宗實錄皇圖大訓承華事
畧又編集列后金鑑千秋記略風憲宏綱以進受賜渥文宗嘗
駐蹕龍虎臺應制賦詩尤被嘆賞謂中原碩儒云

國朝

刺麻扎布土默特人姓博爾濟吉特元太祖十六世孫阿爾坦裔
阿爾坦號格根汗初由河套徙豐州灘築城架屋居之曰拜姓

明史訛為板升者也與明通好封順義王以歸化各所居城至
今仍之阿爾坦九子長僧格魏杜核汗子噶爾圖以避察哈爾
東徙隣哈喇沁為土默特東路即今駐牧巴顏和碩之土默特
右翼札薩克其居西路者自格根汗凡四傳至博碩克圖汗仍
居歸化城察哈爾強役屬碩克圖汗不從偕喀喇沁部布顏台
吉等敗察哈爾萬於土默特之趙城又敗其赴張家口請明賞
兵三千與察哈爾林丹汗交惡博碩克圖汗卒林丹汗襲之
有其象我

朝天聰六年大軍征察哈爾以林丹汗西奔唐古特移師趨歸化城博

爾克圖汗子儀木布及其部頭自古祿格杭高託博克等集

衆降

詔安堵如故八年以林丹汗竄死大草灘

遣使取道歸化城往諭唐古特

命所部人護送之九年睿親王多爾袞帥師收林丹汗子額折於黃河

西託里圖地貝勒岳託留駐歸化城所部人告變言俄木布為

母之大毛罕潛通明沙河保守將以歸化城叛偽稱俄木布為

西土格根汗且導明使約喀爾喀兵為外應岳託遣謀往

喀爾喀兵在途追襲之無脫者執俄木布以歸

諭古祿格杭高託傳克分守歸化城轄土默特部眾崇德元年

詔編所屬三千三百餘丁為二旗以古祿格為左翼都統杭高為右翼

都統領之託傅克尋代杭高子巴尋掌右翼嗣是博碩克圖汗
裔分隸左右翼稱台吉刺麻扎布祖素爾巴勒濟圖父達木巴
世居歸化城隸左翼乾隆二十年

詔徵

歸化城土默特兵千隋北路大軍剿達瓦齊於伊犁刺麻扎布獻
馬三百匹叙功授一等台吉

命乾隆清門行走二十一年

命隨承歷公明瑞赴巴里坤從厄魯特達什達瓦部衆於阿勒台並以
其女妻和託輝特郡王青衮咱卜會青衮咱卜叛

詔隨

左副將軍喀爾喀親王成衮扎布由烏里雅蘇台進剿偵青衮咱
卜欲逃往俄羅斯復隨參贊大臣納穆札爾等輕騎尾之抵杭

哈將噶斯青衮咱卜就擒提聞

詔增設土默特一旗封刺麻扎布為輔國公授札薩克綠烏闌察布盟

勅曰朕仰荷天庥撫綏區宇中外臣工凡有効力宣猷勞績忒著者固弗優封爵秩用獎忠勤爾土默特一等台吉刺麻扎布這擒叛逃奮勇有功朕甚嘉之爾其副朕養養之隆恩歸撫爾所人眾格守典常靖共爾職勿蹈愆尤敗乃成業國有常刑勗哉無數二十五年以不入

覲及違例妄行罪議削爵

諭曰刺麻扎布自優封公爵以來不思感激朕恩奉公守法乃日耽逸

樂恣意妄為本應照議削爵但念公爵究係從前勤勞所得

著加恩免削其札薩克及乾清門行走之處一併革退飭令回旗効
力三十一年刺麻布卒次子索諾木旺札勒龍衣四十九年

詔世

襲罔替

古祿格土默特人姓納喇其先本姓土默特因滅扈倫國之納喇
部遂以為姓世居葉赫部葉赫部亡依土默特博碩克圖汗於
歸化城號楚琥爾博碩克圖汗卒察哈爾林丹汗攻滅土默特
役屬之天聰六年大軍征察哈爾古祿格偵林丹汗由歸化城西
遁懼掠匿山砦乃免旋請內附九年來朝

優賚之崇德元年授左翼都統與右翼都統杭高並駐守歸化城三年

春以喀爾喀扎薩克圖汗擁眾逼歸化城馳疏聞

上統 大軍征之扎薩克圖汗遁師旋

諭古 祿格及杭高曰爾等所守城小濠狹勢難禦敵宜於城外建築層

垣以資捍衛垣如城高一丈五尺闊稱之俾可屯兵其上垣四面
置四門門各置甕墩四隅各建旂王樓垣外環以深濠二墩之
日內城外垣嚴加防守敵自不敢窺伺爾等其善為之夏率泰
領韜瑚等九十六人來朝

遣官迎宴

詔授 一等男爵賜弓矢冠服遣烏巴什等貢朝珠文綺四年獻所獲明
歲給幣五年授其子烏克蘇穆佐領職協守歸化城六年正月
古祿格遣第巴圖等貢駝馬三月復遣納穆習禮等解送

來降蒙古

獎賜白金有差順治元年遣使獻方物

賜雕鞍弓矢皮幣二年晉爵三等子

特頒珠頂貂帽朝衣玉帶甲冑弓矢等物以殊異之六年睿親王多爾

袞征喀爾喀古祿格以兵來會偵喀爾喀遁乃歸康熙五年卒

長子烏巴什泰襲三等子召赴京隸蒙古正白旗四子錫喇布

留歸化城襲都統九年卒子古睦德襲二十二年內大臣奇塔

時等奉使厄魯察獲所掠歸化城人巴朗歸之古睦德二十五

年古睦德來朝以厄魯特巴圖爾額爾克濟農和羅哩携衆降

附將由歸化城入覲

命速歸護降衆未幾以廢職罷都統

召赴京授佐領隸蒙古正白旗以其叔父阿喇納襲阿喇納者
古祿格之第五子也由佐領襲都統二十七年偕副都統阿迪
等選兵偵禦噶爾丹三十年

命護視附近歸化城遊牧之喀爾喀衆無致失所三十五年偕阿迪等隨

大將軍費揚古擊噶爾丹於昭莫多師還運砲七十九置歸
化城三十六年正月助軍駝三月

駕由歸化城視師宿旬夏以土默特士衆委靡弓馬不嫻皆由左翼都

統阿喇納及右翼都統阿爾達等軍律廢弛所致

詔削職停右翼都統世襲改用京員以阿喇納兄子古睦德重襲左翼

命丹
津世襲雍正元年疏請建文廟於歸化城左右翼各設滿學教
官一歸化城增設理事同知一
允之
復以訓所部弁兵嫻弓馬

諭右
翼都統如世襲舊制以阿爾達子根敦補授其副都統職聽丹津
察舉九年大軍議剽噶爾丹策凌命丹津與副都統五十六
酌辦歸化城駐兵事宜尋因移駐洪果爾鄂隆

詔察
給兵騎十二年以烏喇特部被災損牧畜遵

旨察
閱戶口發歸化城帑賑之十三年九月奏歸化城每年解額爾德

凡招糧米四萬八百石向用內札薩克等牛車及喀爾喀官駝
請自來年始募商駝輓運停喀爾喀官駝令善牧備軍用又應
運米向由山西巡撫撥解道行不無竭蹶請以商人所納倉米
十萬石就近解送庶經費可省動用亦便

上從其請十二月

命大臣赴歸化城視形勝地築城屯田以丹津及根敦協理之乾隆元
年設馬廠於歸化城北

詔丹

津董牧務二年卒先是丹津子達奈居京由世襲佐領歷官散秩

大臣卒無子以丹津族子札什泰襲佐領至是丹津妻請即以
札什泰為丹津嗣

詔停

諭曰

襲左翼都統仍襲三等子兼授三等侍衛二十四年

左翼古祿格所遺都統職前因丹津無嗣停襲者加恩照右

翼例改授三等男爵令三等子札什泰兼襲三十年卒子

福保襲三等子兼三等男

託博克土默特人姓巴拉格特世居歸化城隸土默特博碩克圖

汗部因察哈爾林丹汗滅土默特遂為所屬天聰六年大軍

征察哈爾託博克領林丹汗西遁籲請內附九年來朝優賚

之崇德元年授三等叅領隸右翼與都統高協守歸化城

三年率子瓦鬪來朝授一等輕車都尉世襲瓦鬪以佐領授

騎都尉五年

詔晉

博克圖一等子恭領賚弓矢冠服諸物六年賜貢使圖博奇等宴及

甲冑冠服順治元年獻駝馬貂皮三年陪豫親王多鐸擊于喀

爾喀土謝圖汗及車臣汗兵於扎濟布喇克四年叙功

詔授

右翼都統時杭高子巴桑以軍務獲罪削職以託博克代六年復隨

英親王阿濟格討叛鎮姜瓖於大同屢敗賊眾康熙九年卒

賜謚

果壯長子瓦圖以騎都尉兼龍衣一等輕車都尉

詔加

為三等男爵卒弟古魯龍衣都統職十三年

詔選

兵入邊會剿陝西叛鎮王輔臣十四年正月偕副都統席第等率

土默特兵七百至榆林聽調

諭糧

其聞命速赴三月由榆林迎提督陳福軍於興武營會鄂爾多

斯部貝勒索諾木亦帥兵至五月令圍花馬池叛賊朱龍糾眾來
援天軍迎擊之朱龍遁城賊出降花馬池平六月隨大軍復磚
井安邊諸砦七月進圍定邊撫定下馬關師還駐榆林八月由
西安援剿因原十五年正月甯夏兵變

詔古

魯等防禦靈州定邊等處旋請屯黃河岸扼寇衝

允之

三月敗賊眾於靈州六月闕隴平叙軍功以兄瓦圖已卒兼襲三

等男二十年卒子拉察布襲二十一年拉察布卒以其子什第

龍襲三等男以其叔父烏巴什襲都統什第卒子達什色校襲

達什色校卒子納木扎布襲納木扎布卒子甘保襲烏巴什者託

博克第三子康熙二十一年由佐領襲都統二十八年備兵防

喀爾丹二十九年運殺虎口倉米濟都統額赫納軍三十五年副
都統多爾濟等隨西路大將軍費揚古進擊噶爾丹

命安

郡王瑪爾渾統土默特兵防歸化城噶爾丹既敗瑪爾渾移
駐愛畢哈錫喇穆核畧留兵所部以烏巴什子副都統阿弼達
領之是年烏巴什卒阿弼達以副都統襲都統三十六年以不訓
練士卒罪削職停襲改用京員扎克圖俄赫楚忠相繼代任
雍正元年

諭曰

歸化城土默特兩旗原在四十九札薩克內其都統副都統等官
皆係本部初附功臣子孫世職前因廢弛軍務革退都統方選
京員管轄今舊習漸改訓練兵弁行伍整齊凡行圍出征等事

與內地弁兵一體效力不負

聖祖

仁皇帝教育生成之意宜復舊制以阿弼達之子副都統根敦襲補右翼都統其副都統缺仍令丹津將兩旗內應補人員與原任都統副都統世家子孫內保送擢用欽此根敦係阿弼達長子初授副都統康熙五十九年授參贊大臣隨振武將軍傅爾丹由阿勒台進剿策妄阿喇布坦至格爾額爾格擒宰桑貝坤等百餘人復焚其糧於烏闌呼濟爾

上優賚之雍正元年襲都統職二年

詔率

滿州兵二千赴巴里防禦青海叛賊羅卜藏丹津尋分兵千駐吐

魯番師旋入覲

賜孔
雀翎及

御書

福字白金等物九年三月大軍議剿噶爾丹策凌根裂帥土默特
兵千赴涼州聽調七月會西路軍於巴里坤偵噶爾丹策凌遣
兵由伊犁犯北路軍於和通呼爾哈諾爾根敦隨西路大將軍
岳鍾琪為搗巢計襲擊烏魯木齊大敗之追至額爾穆克
河而還十月蒙

上諭

以土默特將弁兵丁連歲從征甚屬勤勞已命頒帑賞資至都統
根敦向在阿勒台營中効力十有餘年今復至巴里坤懋著勞
績朕甚嘉之特賞御用冠服及銀二百兩以示獎勵十年隨副
將軍常賚等帥兵三千餘赴哈密援剿十三年撤兵由塔勒納

沁入嘉峪關還軍歸化城是年

詔借

丹津協理屯兵事乾隆元年叙功資幣四年入朝七年卒子班達

爾什襲入覲

賜孔

崔翎扈澤五臺山以校射獲優資十九年卒

詔停

龍右翼都統改三等男以子賽音弼里克圖襲二十年

諭曰

歸化城右翼都統原係

國

初土默特杭高所遺世職後改授託博克嗣因子孫不勝其任由

京員補授四次復念有可用之人是以令根敦及子班達爾什

襲授是職朕思都統有整飭軍伍之責非閑散世職可比班達

爾什之子賽音弼里克圖係前鋒職今若驟膺都統不惟恐弗

勝任且旂內台吉大員甚多亦恐未必服其調度著將班達爾
什所遺都統職另簡京員補授其本支內加恩改授三等男爵
令賽音弼里克圖襲欽此是年入覲授左翼副都統二十五年
以病罷二十六年卒無嗣以從弟賽岳蘇圖襲欽此三等男爵

按土默特三傳乃

欽定蒙古王公表傳原文傳成於乾隆中年傳中所記

太宗文皇帝征察哈爾年月與魏氏記微異其左翼右翼亦第
分古祿格與託博克等所統兩旗而言與魏氏記左翼為濟
拉瑪依右翼為元裔者亦異彼兩翼在歸化城土默特外此兩
翼則專指土默特之在歸化城者也阿爾坦即俺荅之轉音

蒙古語本無定字正不必以拜姓為是以板升為非耳各世
職距城頗遠其家藏譜牒亦未肯輕以示人僅識其受封
之始如此

忠烈

北周

宇文連武川人幼而謹厚臨敵果毅隨父肱遇定川軍於唐河
俱戰歿保定初追贈太傅柱國大將軍大司徒襲祀國公諡
烈以章武公道守子亮嗣

宇文弔武川人父什肥事母孝文帝入關不能離母遂留晉陽為
齊神武所害保定初追贈大將軍小冢宰襲卽國公諡景

曹公孫有幹畧齊以其幼下獄室天和中歸龍衣邵國公隨文帝
輔政曹為榮州刺史舉兵應尉遲迥為楊素所殺國除

金

馬慶祥字瑞甯本名習禮吉思先世自西域徙家淨州天山泰和

中試補尚書省譯史大安初選使副通問於元上曰習禮吉思

智辯通六國語往必無辱也使還授開封府判官內城之役充

應辦使不擾而事集未幾拜鳳翔府路兵馬都總管判官元光

元年冬十一月元將胡古不花將攻鳳翔行省檄與治中胥謙

分道清野將行命画工肖其貌付家人或曰君方壯何乃為此

不祥慶祥曰非汝所知也明日遂行遇先鋒於澮水戰不利且

行且戰將及城元兵邀其歸路令眾騎曰吾屬荷國厚恩竭
力効死乃其職也諸騎皆曰諾人殊死戰良久矢盡元兵圍數匝
欲降之軍擁以行語言往復與謙皆不屈死贈輔國上將軍恒州
刺史謚忠愍正大二年詔褒死節士十有三人立褒忠廟錄
其孤而以習禮吉思為首

趙重福字復祥並州人通大小字試補誥院令史轉兵部譯
使陝西提刑知法遷陝西東路都勾判官右藏庫副使同知陳
州防禦軍事時宋謀人蘇泉入河南重福逆之至魚臺見前舟
將渡河令從者大呼泉姓名中有倉皇失措者執之果泉也改滄州
監副使歲飢民煮酒賣以給食往往被杖重福曰甯使課殿不

忍殺人歲滿當降右丞完顏匡三司按出虎特薄其罰降織染署令大安三年佐戶部尚書張煒調兵食於古者口遷都水火監貞祐二年行西北路六軍郎中兼戶部員外郎治畧雲縣守城有功遷同知河間府事行六部侍郎權清州防禦使攝河北東路兵馬都總管三年河間被圍密雲同知劉中勸降不聽時兵少又多羸疾勸父老率子弟强者戰弱者守圍乃解去遷河東北路轉運使致仕元光二年卒

完顏彝字良佐小字陳和尚曲州人系出蕭王諸孫父乞哥泰和南征以功授同知階州軍事後戰歿於嘉陵口從兄鼎字國器小字斜叙必里海世襲猛安以善戰知名自壽泗元帥轉安平

都尉鎮商州威望甚重敬賢下士有古賢將風嘗伏得歐陽修
 子孫併其族屬鄉里三千餘人縱遣之貞祐中彛為元兵所掠
 帥置諸帳下時母尚留豐州彛託以省母乞還帥以卒監之至
 豐乃與斜烈劫殺監卒奪馬奉其母南奔元兵追之由他路得
 免兄弟共輓鹿車載母渡河宣宗授鼎都統彛補護衛旋轉奉
 御彛天資高明雅好文史人以秀才目之從鼎壽泗帥府元宣
 差提控佩金符鼎辟太原王涯為經歷涯授彛孝經小學論語
 春秋左氏傳略通其義暇輒作牛毛細字如寒苦士正大二年
 鼎為總領屯方城復隨以往鼎嘗病鎮防軍葛宜翁與李太
 和相毆訴彛不直宜翁量咎之宜翁鬱鬱死其妻訟翁殺當

彝大辟彝聚書獄中讀之明年鼎病愈詔提兵而入見哀宗
怪其瘦甚曰卿甯以方城獄未決故耶吾今赦之矣鼎尋卒上
聞亟馳赦彝諭以汝兄死失吾一名將今故曲法赦汝他日奮發
立功國得汝力我始不為妄赦彝泣且拜退以白衣紫領微軍
都統轉忠孝軍提控五年元兵入大昌原平章合達命為前鋒
時彝業沐浴易衣若將就木裨者擐甲上馬不反顧是日以四
百騎破八十眾三軍踴躍自軍興二十年始有此捷奏功第一
手詔褒諭授定遠大將軍平涼府判官世龍衣謀克一日名動
天下忠孝軍皆回訖乃滿羌渾及被俘來歸者最號難制彝御之
有方坐作進退比中程式所過州邑給常科外秋毫無犯街曲不

復宣雜每戰則先登陷陣疾若風雨諸軍倚以為重六年有
衛州之勝八年有倒回谷之勝自刑徒不四五遷為御史中郎
將嘗與同列議副樞移刺蒲河曰副樞好趨小利今日得生口
三百明日得牛羊一二千士卒喘死則不復計國家積年兵力
皆為是人破除盡矣蒲河聞之置酒會諸將至葵曰汝曾短長
我誠有否葵飲畢徐曰有蒲河見其無懼容漫為好語云有
過當面論無後言也合達入鄧州留葵陞鄉南十五里葵尋隨
而往九年正月三峰敗釣州城破縱軍巷戰葵趨避隱處殺掠定
乃出自言曰我忠孝軍總領陳和尚大昌原衛州倒回谷之勝
皆我也若死亂軍中人將謂我負國家今日明白死天下必有

知我者時欲其降砍足脛折不為屈割口吻至耳嘆血而呼至死不絕元將義之酌以馬潼祝曰好男子他日再生當令我得之
彝年四十一贈鎮南軍節度使朔懷褒忠廟勒石紀其忠烈

國朝

銘山綏遠城蒙古鑲黃旗人前任蒙古正黃旗佐領因委任章京至烏里雅蘇台適賊圍城公督兵固守以兵火不支城陷公急趨軍署保護印篆見賊入則懷印於衣被執賊婉言求公降公言賊不允賊怒縛公於鹿角柵射之矢集如雨公罵聲不絕而死

額勒哲依綏遠城蒙古鑲黃旗人任蒙古鑲紅旗佐領咸豐中帶

兵征剿粵匪陣亡聚習口奉

旨賞

以雲騎尉世職

遜彰阿綏遠城滿州正紅旗人武舉以驍騎校帶兵在安徽定遠

縣征剿粵匪陣亡奉

旨賞

以雲騎尉世職

齊克慎綏遠城滿州正黃旗人任正紅旗佐領咸豐八年征剿粵

匪至安徽高家樓陣亡奉

旨賞

以雲騎尉世職

連陞綏遠城滿州正藍旗人武生成豐中克復泗水縣陣亡

岳嵩武滿州鑲藍旗二甲人候補直隸州知州同治六年因任

烏里雅蘇台兵部主事隨署伊犁將軍李雲林在佈倫托海
剿賊陣亡奉

旨賞以雲騎尉世職

阿克棟阿綏遠城滿洲鑲藍旗人花翎三品頂戴候補防禦因任
烏里雅蘇台兵部主事城陷率妻子皆殉難奉

旨卹以雲騎尉世職

祥慶綏遠城滿洲正藍旗人因任烏里雅蘇台筆帖式城陷陣亡
奉

旨賞以雲騎尉世職

貴忠綏遠城滿洲鑲藍旗人因任烏里雅蘇台兵部筆帖式隨

蒙古恭贊大臣錦王剿賊陣亡奉

旨卹

以雲騎尉世職

志永綏遠城滿洲鑲藍旗人因任烏里雅蘇台筆帖式城陷

殉難

薩喜滿洲正白旗人候補防禦因任烏里雅蘇台戶部主事城陷殉難奉

旨議

卹以知州禮葬

碩隆武綏遠城滿洲鑲紅旗人咸豐八年隨剿粵匪在安徽定遠

縣陣亡奉

旨賞

以雲騎尉世職

達敏綏遠城滿洲鑲紅旗人咸豐八年在山東隨剿粵匪陣亡奉

貞賞
以雲騎尉世職

孝友

唐

朔平府志載唐時有烽子者

司烽候之稱
非人名也

豐州人永泰初暮出為

黨項掠去與西番易馬番將令穴肩骨貫以皮索配馬數百蹄

與之牧經半載馬蕃息番將賞以羊革數百因轉近牙帳贊

普子愛其了事遂令執燾左右有賸肉餘酪與之又居半載因

與酪肉悲泣不食云有老母頻夜夢見贊普憐之夜召入帳中

語曰悉番法嚴無放還例與爾馬有力者兩匹間道縱爾歸

無言我也烽子得馬遂跳馬俱乏死因晝潛夜走數日為剌

傷足倒磧中忽有風吹物悉宰過其前因取以裹足有頃不復
痛試起行如故信宿及曹豆州界歸家見母母悲且喜曰自失爾我
惟誦金剛經寢食不輟以祈見爾今果如願亟取經拜之縫斷
處亡數幅因道磧中傷足事解視之所裹創物乃數幅經也此
事頗涉怪誕金剛經集驗曾載之志為史之流才學識闕一不
可學識兩字正為此等處言者人每識一事往往隨便舉一地
名若刻舟求劍誤矣是編非正史所紀不使闖入然以其孝思
之感至性動人弗忍湮沒也附識於此以為忘親者勸

國朝

張栢祥本城人幼生曾舉鄉飲介賓原藉孝義縣因貿易來歸

化二十餘年其父光泰服賈山東不知何時病沒母矢志守節零
丁孤苦時栢祥甫三四齡耳及其稍長與母言及其父輒垂首
號泣不已七八歲時告其母欲往尋父骨母以幼稚不允所請
年十五竟告母而獨往山東訪尋父塚跋涉山河艱辛備至
數月不得乃號泣於壇廟禱祝於鬼神竟至曹州訪得白孝
廉曾與其父善始得父塚聞古人有滴血認父者割左手以試
知其真也負骨而返且事母至孝以服賈於外數月必告歸朝
夕侍奉若不欲離左右然鄉人有譽之者每垂涕曰父骨所以
能得者我母節孝之誠以感之也我何孝焉其誠孝出於性生

如此

光緒二十三年由學申
詳蒙撫憲題請 旌

周海山三兩莊人賈萬順朝忽聞人父母病皆廿餘年不離左右
張智字子圓本城人佾生生有至性七歲讀孝經即有奉行之志
十歲喪母躃踊號泣如成人父繼娶智曲意承歡事如生母家貧
教讀於外以糊口所得修脯悉供甘旨父病百方延治醫為過
費則又小權子母子然一身跋涉山河身勞形悴而對父仍愉色
婉容父病垂危醫者皆云病不可為智號泣籲天願終身
戒殺持齋以延父命病竟愈人皆以為孝感智感父疾曰昔
程子云事親者不可不知醫誠哉是言也遂盡心攻黃之術為
父母調和保護卒享遐齡於人不論貧富貴賤皆盡心療治其
他若賑孤貧施戚屬敦交際類皆卓卓可稱焉

瑞景字雪亭滿洲鑲白旗佐領孝友性成母病癱動須人公率
其妻高恭人躐躐床頭夙夜侍奉已歷三年之久毫無倦容憂
勞之狀竟至年未五十而兩鬢皓然且待諸弟友愛甚篤弟欲
與分爨乃取祖父所遺財物悉與諸弟然弟家日用飲食公悉
為之籌弟後亦克恭厥兄一味之甘未嘗自私迄今二十餘年
無火異焉

方自富綏遠城藥商也父早世事母至孝定省無違家負晝服賈
於外夜必歸家奉母其妻或稍有懈怠輒重讓之不輕恕後
其妻亦感而孝謹不敢稍忤母意胞弟自貴愧己之孝不若兄
也亦辭商歸家事母三年

富拉敏泰滿洲鑲藍旗前鋒手足甚敦與弟分產不較言朋絀
後復共饗寬厚多讓終身無異

舒明滿洲正藍旗人母病癱行止須人明林前侍奉夙夜無違
以家負未婚菽水僅足養親歷二十餘年蓋朝不飲離左右云
義行

劉天元代州陽明堡人種地於歸化城西祝樂慶村耕九餘三業
漸豐豆裕少苦貧家既富極知貧者之苦凡有周恤無吝意無
德色村氓賴以舉火者遠近數十百家每春出久歸歲以為常
嘉慶中歲飢天元冬暮旋里先期按貧乏者畀之粟將行村人
走送數里外揮涕泣詢其故曰恐翁明歲出關我輩已填溝壑矣

天元亟反寓盡出其倉庾所儲計算石以斗斛分給其稍有
力不忍受賑者亦減價平糶約於來歲取償經理數日乃行比
至家則爆竹聲聞而屠蘇之資猶未脩也草草度歲仍策蹇
來城躬耒耜課作息數年積資累萬市廛之設充溢街衢
而好施益盛年八十餘卒子孫至今稱富有祝樂慶左右
居民談者津津不置每自謂祖父曾食劉氏粟云

閩純錦苦吉爾討號村人原籍壽陽其先世服賈遷此鬻田產因
家焉性好善樂施初苦吉討號村及鄰村洪吉討號無讀書者
十餘年純錦深以為憾因慨然捐貲於兩村均立義學延師教
讀意不以衰鄉人有長厚而貧乏者雖無言必委曲周之其無

賴者卑詞乞丐不以貸故里中貧民多無恒產而有恒心以
純錦之功為多

朱錫昌本城監生原籍壽陽人嘉慶中其祖周成服賈於此置有
產業因家焉其父玉堂好讀書以訓蒙為業皆慷慨樂施里中
頗有義聲及錫昌仍繼其祖之業而學商有乃祖乃父風嘗奉
父命歸籍修墓見本族遠祖之墓有之嗣而無人祭奠者悼
之乃出資脯之餘矯父命施與族中祭田數十畝制錢數十緡託
忠厚長者二人經理每歲時節序取其租息均祭遠祖之墓
焉同族感之欲為之勒碑銘以旌其善錫昌固辭曰我奉父命
而施此者聊自盡追遠之情耳詎望表揚哉其平日孝於親友

於弟鄉人多稱贊之光緒二十年舉充歸化城鄉耆因順直賑捐勸捐倡捐議叙國子監大學生由學公舉鄉飲介賓云

福祥綏遠城滿洲正黃旗生員也後改就武補防禦生平急公好義善行最多同治中將軍定公開言路祥上興利除弊重舉十條其詳不可知矣惟聞有修書院立義學等事將軍委其襄辦祥認真辦理於書院一節尤盡力整頓不辭勞怨以故綏遠文風日上登鄉榜者歷科不絕祥之子承先登進士第人以為振興文教之報云

秦寶綏遠城滿洲正藍旗人也家頗豐裕道光間官協領初旂庫被盜營庫諸官秘而弗宣逾數年將軍將勘驗庫款眾皆恐曰

事若發覺我輩比皆當獲罪矣寶曰諸公勿憂我有術以處之乃
出金數千如數潛納庫款衆比皆得免

德克精額綏遠城蒙古鑲紅旗人咸曲巨中剽賊本旗出陣者馬
無良焉群慮有不測之虞乃每人贈良馬一騎後臨陣本旗
人皆獲馬力

富通綏遠城滿洲正藍旗前鋒也生平樂善好施同旗有因婚葬
求貸者慷慨出金助之度貧乏不能還乃焚其券以致財產有
出無入晚年微受空君毫無怨尤焉故至今父老尤嘖嘖道之不
置

李萬年世居烏素圖村原籍朔平府左雲縣人敦倫重義以孝弟

聞初鄉人不知讀書者數十年萬年自捐財產立義學數處故
村中至今家弦戶誦絡繹不絕平日教子弟有義方光緒乙酉
丁酉其弟廣年子瀛相繼登拔萃科人以為積善之家必有
餘慶云

蕭盛朝忽開人好善樂施家小康世業耕讀其子巨卿舍甬遠聽
學歲飢出粟賑其鄉里平日族戚有因貧乏告貸者慷慨與之
不少各光緒十二三年由學公舉鄉飲耆賓

韓玉祥三賢莊人好施濟親友等有喪貧不能葬者輒代買棺槨
衣服以助

陳國俊松得利村人質直好義平日解紛排難鄉人賴之同治中

曾代鄉人納糧

竇珍周五基皆三賢壯人慷慨好施並精醫術貧者就醫以藥
與之不索值亦不望報

科第

遼

進士

邊貫道

豐州人及第第一

金

進士

邊元勳

雲間人貫道子太宗天會十年第河間轉用使

邊元鼎

元勳弟天德中翰林應奉

康元弼

雲中人正隆二年第刑部尚郎

按金史選舉志金設科皆因遼宋之制有詞賦經義策試

律科經童之制明昌初又設制舉宏詞科以待非常之士

賢良方正

能直言極諫博學宏詞達於從政二科並元年所初

其試詞賦經義策論中選者謂之

進士律科經義中選者曰舉人

崇志經童亦稱經童舉人凡此經義當是經童之偽

試進士舉人由鄉至府由府至省及殿廷凡四試皆中選則

官之至廷試五被黜則賜第謂之恩例又有特命及第者則

謂之特恩

明昌元年定制省元直就御試不中者許綴榜末解元但免府試四舉終場依五舉恩例泰和三年

定經義會元依首經府解元免府試之例會試下第再舉直赴御試案省試謂試於尚書省即會試也

凡詞賦

經義進士及律科經童府試之處大定間六處明昌初增遼

陽平陽益都為九處承安四年復增太原為十

案三朝北盟會編金府試

關西及河東
兩路就雲中

元

進士

馬祖常

靖州天山人延祐二年進士首科及第第
二鄉會試皆為舉首任至樞密院副使

國朝

進士

鄭永貞

字子固世居本城其先大同人入大同學光緒乙丑科
會試中試截取知縣分發河南因河工保舉直隸州知

州銜歷署懷慶
府孟縣知縣

舉人

席儒

字子珍其先左雲人世居城東南舍
必崖村入左雲學光緒丙子科中式

鄭永貞

光緒乙酉科
中式見進士

武舉

劉鎰

世居本城原籍陽曲入陽曲學光緒甲午科中式

拔貢

韓秉鈞

字桂農世居本城原籍平魯入平魯學子道光己酉選拔朝考二等選補石樓縣訓導因丁憂歸籍設帳於本城

授徒十餘年裁成最眾如榜眼王廣榮進士鄭永貞舉人席儒拔貢生尹同高李廣年裴清皆出其門下遊庠食餼者又

二十餘人服闋後補河津縣訓導陞潞安府教授因保舉加五品銜為人品學兼優且有孝行著有求益齋陰陽文

試帖詩集

韓振鈞

字保軒世居本城入平魯學同治癸酉選拔

裴清

字瀛帆世居本城原籍右玉入右玉學同治癸酉選拔

李廣年

字椿軒世居城西烏素圖村原籍左雲入左雲學子光緒乙酉選拔朝考一等欽點七品小京官

李瀛 字海□廣年姪入左雲學光緒丁酉選拔丁憂未會考

綏遠城科第

進士

承先 滿洲正黃旗人光緒癸未科任貴州都勻縣知縣

舉人

塔清阿 蒙古鑲黃旗人道光乙酉科歷官協領掌事兵司署理都統兼署將軍咸豐中以會審平陽府臨汾縣案人呼清

天

尚阿泰 滿洲鑲白旗人道光戊子科任協領掌事司

忠善 滿洲鑲紅旗人道光辛卯科後改名忠順任佐領以軍功保舉藍翎

慶祥 蒙古鑲紅旗人道光壬辰科以大挑二等任七品小京官

恒喜

滿洲鑲紅旗人同治癸酉科任佐領

承先

同治癸酉科見進士

景秀

滿洲鑲藍旗人光緒乙亥科由科布多主事職銜陞佐領

合色本

蒙古鑲黃旗人光緒乙亥科由大挑二等補光祿寺署丞

尼克賞

蒙古鑲黃旗人光緒丙子科由大挑二等補光祿寺署丞

文緒

滿洲正紅旗人光緒丙子科

景廉

滿洲正紅旗人光緒己卯科後改名善恒

孟克圖

滿洲正紅旗人光緒乙卯科由大挑二等候選七品京官

穆騰武

滿洲鑲藍旗人光緒壬午科由科布多俄商局主事保舉分省補用知縣後以直隸州知州補用

文衡

滿洲鑲藍旗人光緒乙酉科

錫麟 滿洲正白旗人光緒乙酉科

錫齡阿 旗人光緒戊子科滿部註冊揀發知縣

瑞廉 滿洲正白旗人光緒戊子科

通泰 蒙古鑲紅旗人光緒己丑科以辦理賑務保舉五品頂戴

倭什本 滿洲正藍旗人光緒己丑科

全山 蒙古正黃旗人光緒辛卯科

音德納 滿洲鑲黃旗人光緒癸巳科

瑪麟 滿洲正白旗人光緒癸巳科

英順 蒙古鑲紅旗人光緒丁酉科

武舉

色朗阿 滿洲鑲藍旗人嘉慶癸酉科

愛興阿 滿洲鑲藍旗人道光壬午科

玉陞 滿洲鑲藍旗人道光辛卯科

倭什渾 滿洲鑲藍旗人咸豐壬子科

多仁佈 滿洲鑲藍旗人咸豐乙卯科

魁連 滿洲正藍旗人咸豐乙卯科以軍功保舉花翎副都統

碩罕 滿洲鑲白旗人

春林 蒙古鑲紅旗人咸豐戊午科官防禦

懷塔 滿洲正藍旗人

達杭阿 蒙古鑲黃旗人道光乙未 恩科任協領統領沿河六起各營咸豐中屢著戰功保舉花翎副都統銜

扎拉芬 滿洲鑲紅旗人咸豐辛酉科

佈音圖 滿洲鑲紅旗人同治甲子科

巴圖隆阿 滿洲鑲紅旗人同治癸酉科

佈音達什 滿洲鑲白旗人光緒乙丑科

榮連 滿洲鑲白旗人光緒辛卯科

三音口 蒙古鑲黃旗人光緒辛卯科

文陞 滿洲正白旗人光緒癸巳科

文佈 滿洲鑲黃旗人光緒甲午科

烏爾納遜 滿洲鑲藍旗人光緒甲午科

恩特賀 滿洲鑲藍旗人光緒甲午科

布林

滿洲正白旗人光緒丁酉科

成凱

滿洲鑲紅旗人光緒丁酉科

榮志

滿洲鑲藍旗人光緒丁酉科

仕宦

王錫綸

字芝樵世居本城原籍左雲入左雲學由廩貢生任徐溝縣教諭

王黼卿

世居本城左雲監生選湖南昭通通判

成復興

世居本城左雲監生選浙江烏程縣縣丞

皇甫建極

世居本城原籍左雲入左雲學附貢生試用訓導

綏遠城仕宦

克仁額

滿洲鑲藍旗人嘉慶中任伯都訥副都統

鶴齡

滿洲正白旗人咸豐中由協領以軍功陞湖南長沙府副將屢陞四川北鎮總兵

德善

蒙古鑲紅旗人咸豐中由防禦陞直隸建昌路都司調武清縣都司屢陞浙江楓嶺營遊擊

倭理克

蒙古鑲紅旗人咸豐中由驍騎校陞石匣路守備屢陞密雲縣都司

烏勒賀

滿洲鑲紅旗人咸豐中任宏堡把總

平順

蒙古正黃旗人光緒初任刑部主事

佈可

蒙古鑲紅旗人光緒初任攔車鎮守備

阿克敦佈

滿洲正紅旗人光緒初山西即補直隸州補缺後以道員用歷署薩拉齊同知

息
仁
地
原
心

天
子
子

僑寓

唐

溫彥博字大臨并州祁人父君猷兄大雅俱以文行知名開皇末
對策高第授文林郎直內史省突厥入寇以并州道行軍長史
戰敗被執突厥知彥博近臣數問唐兵多少及國虛實博不肯
對囚陰山苦寒地高祖立突厥歸款乃得還遷中書令封虞
國公突厥降議所以安邊者博請如漢置降匈奴五原塞以
為藩蔽帝從之謚曰恭陪葬昭陵

金

麻革字信之臨晉人祖秉彜皇統九年進士官兵部主事革生

中條王官五老之下長侍其先人西觀大華東遊至洛遂避
地家焉北渡後嘗自鴈門踰代領之北留滯居延己亥夏赴試
武川及秋歸道渾水登龍山絕頂自作遊記隱居教授而終
人稱為貽溪先生

元

劉秉忠少為僧世祖自藩邸見留侍左右即見親幸密謀大計
莫不與焉受命後以天下為己任知無不為其於陰陽術數之
學占事知來若合符契卒謚文貞有過曲豆州及雲內道中詩
蓋未遇時遊此

李德輝字仲實通州潞人少嗜學苦貧無資年十六乃監酒曲豆州

祿食有餘輒市筆札錄書夜誦已謝去講學以卒其業及世祖
在潛藩劉秉忠薦之與竇默同辟使侍裕示講讀中統元年為
燕京防禦使以忤王文統罷復起為山西宣慰使至元元年改太
原總管多善政入為石三部尚書相皇子安西王十二年詔以
王相撫蜀十四年為四川行樞密院副使復瀘州拔重慶下紹
興南平夔施思播等州有功於合州民家繪像祀之年六十三卒
蠻夷吏民哭聲震山谷播州民亦為祠

明

唐公靖字君平宣城人萬曆乙酉舉於鄉年五十始舉進士除太
原府推官省會鼓劇奸利盤互案治決遣奮髯扞几豪右莫不

島作城廟志 卷之二
曛服俺答妻三娘子款塞公靖捧檄往宣布朝廷盛德反覆數
千言聲如殷雷大虜羅拜幕下呼為天人公靖謂虜雖強餌不
可厭我雖弱條不可弛宜有以伐謀伐交不當朝夕惴惴竭天
下以奉西北上備衛亦三策慨然有試屬國係單于之志邊吏忘
其能中考功法罷歸倚居白門結廬雨花臺下杜門縱酒酒酣
捋鬚嘆息曰此于思者如故髮則種種矣刃效碌碌者蘇而復
上我年六十餘卒虞山錢氏為銘其墓

朝

國

張鵬翮字運青四川遂寧人康熙二十七年以兵部督捕理事官
與內大臣索額圖兵科給事中陳世安同奉使俄羅斯路經歸

化城遊覽數日所作奉使日記於此間風土最詳有振興文教之志出塞過喀爾喀遣使求救即具檄曉諭歷官至大學士

徐蘭字芬若一字芝仙江南常熟人出漁洋先生之門能詩工繪事從安郡王出塞見祁連山中花數十種皆艷絕不知名中土所未有也常畫使面貽漠洋并出塞詩數十篇足備塞外風物考証自言所過古廢城凡六曰單于曰蘇武曰雲內曰豐州曰殺虎曰土城所見土產凡五曰白草曰雛鷹焉曰麕鹿曰瑪瑙石曰酪酒且言曾見李文煥修路碑漁洋池北偶談及之於此間掌故必多考核惜未見其著述耳有兩阻黑河及歸化城雜咏長洲沈氏選入別裁集中

錢良擇字玉友江南常熟人隨朝貴使絕域著出塞紀畧一書自言在歸化城刺麻廟中見一僧有道者紹陽魏氏紀錄之

麻迷呼太原人本韓氏子自幼祝髮不解誦經惟口吟嘛迷呼人遂以呼之雲遊四方無定所朱文正公為晉藩時遇於歸化城異之偕以歸禿頭童顏搖其頭則腦動有聲冬夏一衲不知寒暑

張曾字小園呼縣人父守仁以選貢官孝義訓導究心理學子著有見聞困知一得等錄曾性聰慧工詩古文尤長於駢體書法亦有奇氣舉道光丁酉鄉試遊幕十餘年所至爭迎禮為上賓軍興從戎關隴間以功游擢至布政司理問卒著有歸綏識略古

近體詩若干卷

了然道人姓郭名昌富其初沂州人父沒後不事家人生產頗有志於修煉之術因逃居此地三兩莊出家於關帝廟焉後有武當山二道人雲遊來此道人因棒喝悟道改名一岷道號了然乾隆元年村大旱衆求道人祈雨乃焚指虔禱三日果大雨霑足邊地土廣人稀每當春夏耕作之時苦乏傭工道人樂為人傭作不索資焉後一日之中所在者十餘處人知其異而詢之不言亦不復出募修寺觀最多常以其餘周濟貧乏乾隆五十年命其徒為築小浮圖一日至其中端坐而逝至今土人有記其遺事者言之甚詳

島作地原志

卷之三

